

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808088830, 1808098128, 1808097745, 1808095822, 1808097513, 1808122824 որոշումները անփոփոխ թողնելու մասին

09.07.2018թ.

17 - 4 - 3204

ք.Երևան

«Ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Անդրանիկ Ղազարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Անդրանիկ Ղազարյանը դիմումով հայտնել է, որ վարել է Opel մակնիշի 35 QR 692 հաշվառման համարանիշի ավտոմոբիլը, խնդրել է նշված տրանսպորտային միջոցով կատարված իրավախախտումներով կայացված թիվ 1808088830, 1808098128, 1808097745, 1808095822, 1808097513, 1808122824 որոշումները վերահասցեագրել իրեն:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները:

Նյութերի ուսումնասիրության ընթացքում պարզվել է, որ դիմումատուի կողմից ներկայացված դիմումը չի պարունակում վերջինիս վարորդական իրավունքի վկայականի սերիան և համարը, չի կցվել ավտոմոբիլի հաշվառման վկայագրի և սեփականատիրոջ անձնագրի պատճենները, ուստի թիվ 1808088830, 1808098128, 1808097745, 1808095822, 1808097513, 1808122824 որոշումները վերանայման ենթակա չեն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808088830, 1808098128, 1808097745, 1808095822, 1808097513, 1808122824 որոշումները թողնել անփոփոխ:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել Անդրանիկ Ղազարյանին (հասցեն՝ Կոտայք, Չարենցավան, 4 թղմ. 22 շ. 27 բն.), ակտերի հասցեատեր Ռոբերտ Երրենյանին (հասցեն՝ Կոտայք, Հրազդան, Վանատուր, 49Ա տ.) և ՏՄՀԽԱ կենտրոն:

